



Inatsisartut

Aningaasaqarnermut Ataatsimiititaliaq
Finansudvalget

Ulloq/Dato: 6. december 2010

J.nr.: 01.31.06/10-00507

Aningaasaqarnermut Naalakkersuisoq

TUVIORTOQ

Aningaasaqarnermut Ataatsimiititaliap suliaq nr. 01.31.06/10-00507 pillugu tallimangornermi ulloq 3. december 2010-mi aalajangiineranik Naalakkersuisunut ilisimatitsineq.

2010-miit 2013-imut ilinniartunut inissianut pilersaarusiornissamut sanaartornissamullu atugassiinissaq

Naalakkersuisut **inassutigaat,**

- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2010-mi 13,0 mio. koruuninik ikineqassasut,
- kontomi pingaarnermi 84.40.15-mi, Ilinniartut inaannik sanaartornermut tunngasumi, suliasamat nr. 996.52.055-imut, Ilinniartut inaannik pilersaarusiornermut sanaartornermullu tunngasumut, aningaasaliissutit 2010-mi 13,0 mio. koruuninik amerlineqassasut, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2011-mi 64,2 mio. koruuninik ikilineqassasut, aamma
- kontomi pingaarnermi 84.40.15-mi, Ilinniartut inaannik sanaartornermut tunngasumi, suliasamat nr. 996.52.056-imut, Ilinniartut inaannik pilersaarusiornermut sanaartornermullu tunngasumut, aningaasaliissutit 2011-mi 64,2 mio. koruuninik amerlineqassasut, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2012-imi 48,9 mio. koruuninik ikilineqassasut, aamma
- kontomi pingaarnermi 84.40.15-mi, Ilinniartut inaannik sanaartornermut tunngasumi, suliasamat nr. 996.52.057-mut, Ilinniartut inaannik pilersaarusiornermut sanaartornermullu tunngasumut, aningaasaliissutit 2012-imi 48,9 mio. koruuninik amerlineqassasut, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2013-imi 42,8 mio. koruuninik ikilineqassasut, aamma
- kontomi pingaarnermi 84.40.15-mi, Ilinniartut inaannik sanaartornermut tunngasumi, suliasamat nr. 996.52.059-mut, Ilinniartut inaannik pilersaarusiornermut sanaartornermullu tunngasumut, aningaasaliissutit 2013-imi 42,8 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Kontomi pingaarnermi 80.00.00-imi sanaartornermut atugassat agguanneqanngitsut ilinniartut inaannut atugassanngortinneqarnissaat Naalakkersuisut suliami matumani qinnutigaa.

Ataatsimut isigalugu Aningaasaqarnermut Ataatsimiititaliaq isumaqarpoq qinnuteqaat annikitsuinnarmik paasissutissiisoq. Naalakkersuisut allattoqarfianni sanaartorneq pillugu annertuumik isumaqatigiinngitsoqarnera pissutigalugu 2010-mi aningaasanut inatsimmi sanaartornermut atugassat agguanneqanngitsut ilinniartut inaannut atorneqarnissaasa pilersaarusiornera assut kinguartoorfiusimasoq qinnuteqaammit paasinarpoq. Taama isumaqatigiinngitsoqarneranut tunuliaqutaasoq aaqqiissutissatulluunniit aalajangiunneqartup erseqqinnerusumik qanoq ittuunera pillugu paasissutissiisoqanngilaq, tamannalu qinnuteqaammi amigaatitut ajuusaarnartutut oqaatigisariaqarpoq, tassa ataatsimiititaliap naliliinera malillugu suliap tamatuma naapertuutinnngilluinnartumik kinguaattoorneranut tunuliaqutaasoq pillugu Aningaasaqarnermut Ataatsimiititaliaq erseqqinnerusumik paasisaqarsinnaanngimmat.

Taamaattorli ilinniartut inaannut tunngasuni immikkoortumut pilersaarummik suliaqartoqassasoq ataatsimiititaliamit maluginiarneqarpoq. Immikkoortumut pilersaarut taanna atuarfiit pillugit immikkoortumut pilersaarutip assigissagaa oqaatigineqarpoq. Immikkoortumut pilersaarutip taamaattup suliarineqarnera ataatsimiititaliamit tapersorsornartinneqarpoq. Tamatumali peqatigisaanik oqaatigineqartariaqarpoq ilinniartitaanerup immikkut suliniuteqarfigineqarnera ukiuni arlalinni ingerlareersoq aatsaat taamatut ataatsimut pilersaarusiornerep aallartinneqarnera naapertuutinnngilluinnarmat. Taamaalillunilu kialuunniit takusinnaasariaqarpaa ilinniartitaanerup annertunerusumik suliniuteqarfigineqarnera illoqarfinni ilinniartoqarfiusuni ilinniartut inaannik amerlanerusunik pisariaqartitsisoqarneranik nassataqassasoq.

Ilinniartut inaannut tunngatillugu immikkoortumut pilersaarutip suliarineqarnera pingaartinneqarluni salliutinneqassasoq Aningaasaqarnermut Ataatsimiititaliamit **kaammattuutigineqassaaq**, taamaaliornikkut pilersaarutissatut missingusiaq taamaattoq Inatsisartut 2011-mi upernaakkut ataatsimiinnerata ingerlanerani naluneqanngitsutut ulloq 1. marts 2011-mi aallartittussami Aningaasaqarnermut Ataatsimiititaliamut saqqummiunneqarsinnaaqullugu.

Sanaartornermut tunngasuni minnerunngitsumillu ilinniartut inaannik sanaartornermi kinguaattoornerit annertuut tunngavigalugit pisortat sanaartortitsisarneranni suleriaatsit atuuttut naapertuunnerep Naalakkersuisunit isumaliutigineqartariaqartoq ataatsimiititaliaq isumaqarpoq. Kinguaattoornerit ilaannut Naalakkersuisoqarfiit akornanni attaveqatigiinnerup ajorpallaarnera amigaataaneraluunniit pissutaasorinarmat attaveqatigiinnerup aammalu sanaartugassatut pilersaarutit aqutsinerup pitsanngorsarneqarnissaat Naalakkersuisunit eqqumaffigineqartariaqarpoq.

Kantomut pingaarnermut 80.00.00-imut, Sanaartornermut atugassanut agguanneqanngitsunut tunngasumut, missingersuutitut ilanngussaq nassiunneqartoq ataatsimiititaliamit naammagineqanngilaq. Taamaalillunilu qinnuteqaatip matuma akuerineqarnerata kingorna kontomi pingaarnermi aningaasaliissutit 2010-mi 7.607.000 kr.-iunerannik missingersuutitut ilanngussami allassimasoq kukkusuusoq tusarniaanermi K-gruppilluunniit misissuinerani paasineqarsimasariaqaraluarpoq. Missingersuutitut ilanngussap taassuma Dronning Ingridip Napparsimmavissua aammalu napparsimasunut akunnittarfik pillugu aningaasaliissuteqarnissamik qinnuteqaammut (Suliaq nr. 10-508) atasumik missingersuutitut ilanngussamut ilutigitillugu nassiunneqartumut sanilliunneratigut

Aningaasaqarnermut Ataatsimiititaliap paasivaa kontomi pingaarnermi matumani 4.607.000 kr.-it sinneruttut.

Tamatuma saniatigut kontomut pingaarnermut 84.40.15-imut, Ilinniartut inaannik sanaartornermut tunngasumut, aningaasat immikkoortinneqartut pillugit kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, missingersuutininut ilanngussami titarnertaap aappaani ima allassimasoqarpoq:

”Aningaasat illoqarfinnut ataasiakkaanut suliassanut nassuiaasiorfigineqanngitsunut aningaasartassaallu nalaatsornerinnakkut annertussusilerneqartunut immikkoortitaapput.”

Tamanna allatut paasineqarsinnaanngilaq ilinniartut inaannik sanaartornissamut aningaasat aningaasanut inatsimmi immikkoortinneqartut taamungaannaq aammalu pilersaarutitaqanngitsumik ataqatigiissaarinertaqanngitsumillu immikkoortinneqarsimasut. Tamanna **isornartoqartinneqarpoq!**

Naggasiullugulu aningaasat qinnuteqaammi matumani pineqartut Sanaartornermut Iluarsaanermullu Aningaasaateqarfimmi atorneqaratik uninngaannartussanngorlugit ilineqarnissaat ilimanoluinnarmat assut ajornartorsiutaasoq Aningaasaqarnermut Ataatsimiititaliaq isumaqarpoq. Tamanna 2011-mi aningaasanut inatsisissatut siunnersuutip aappassaaneernejarnernanut Aningaasaqarnermut Ataatsimiititaliap kaammattuutaanut nr. 4-mut aamma 6-imut toqqaannartumik akerliuvoq. Kaammattuutit taakku ima imaqaarput:

”Kaammattuut nr. 4

*Aningaasat Sanaartugassanut Iluarsagassanullu Aningaasaateqarfimmi atorneqaratik uninngaannartussaasut ilisimagaluarlugu aningaasanik qinnuteqartoqartaqqunagu sanaartugassanut aningaasaliissutinik atuinissamik **piviusorsioortumik** missingersuusiortarnissamik qulakkeerinninniarnerminnik Naalakkersuisut ingerlatsiinnarnissaat Aningaasaqarnermut Ataatsimiititaliamit **kaammattuutigineqarpoq.** Minnerunngitsumik aningaasat Iluarsaanermullu Aningaasaateqarfimmi uninngasuutigineqarnissaat siunertaralugu allaffissornikkut kinguaattoornermik pissuteqarluni ukiup naalernerani sanaartugassanut aningaasaliissutit atugassanngortinneqarnissaat qinnuteqaatigineqartariaqanngilaq.*

Kaammattuut nr. 6

*Ilinniartut inaannik sanaartornissamut aningaasanut inatsisissatut siunnersuummi aningaasaliussat atugassiissutigineqanngitsut atugassiissutigineqarnissaannik sulineq Ineqarnermut Attaveqarnermullu Naalakkersuisoqarfimmit aammalu Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmit siuarterujussuarneqarnissaat Aningaasaqarnermut Ataatsimiititaliamit **kaammattuutigineqarpoq.** Tamatumani siunertaassanngilaq aningaasat atorneqaratik Sanaartornermut Iluarsaanermullu Aningaasaateqarfimmi uninngaannarnissaat, akerlianilli siunertarinqassalluni sanaartugassat pisariaqartut sapinngisamik piaarnerpaamik allartinneqarnissaat.”*

Siuliani allassimasut tunngavigalugit ataatsimut isigalugu ataatsimiititaliaq isumaqarpoq qinnuteqaatip matuma akuerineqannginnissaanut arlalinnit tunngavissaqartoq. Tamatumali peqatigisaanik ilinniartut inaannik sanaartornerup siuarsarnissaa annertuumik pingaartinneqarpoq, taamaattumillu inassuteqaatit akuersissutiginnissaat ataatsimiititaliap ataatsimoorluni toqqarpaa – naak siuliani taaneqartunik amigaateqarlunilu

ajornartorsiutitaqaraluartoq. Inassuteqaat aallarniutigalugu allassimasoq naapertorlugu ataatsimiititaliaq isumaqarpoq ilinniartut inaannik sanaartorneq sapinngisamik annertunerpaamik siuarsarneqartariaqartoq. Taamaalillunilu kinguaattooqqittoqassappat ataatsimiititaliamit akuersaaruminaatsinneqassaaq!

Aningaasaqarnermut Ataatsimiititaliap aalajangiinera

Kontomut pingaarnermut 80.00.00-mut, Sanaartornermut atugassanut agguanneqanngitsunut tunngasumut, missingersuutitut ilanngussamik iluarsisamik kingusinnerpaamik 31. december 2010 Aningaasaqarnermut Ataatsimiititaliap allatseqarfianut nassiussisoqarnissaa **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Missingersuutitut ilanngussaq nutaaq ataatsimiititaliamut nassiunneqartumut taarsiullugu 2010-mi ilassutitut aningaasaliissutitut inatsimmut ilanngunneqassaaq.

Aningaasaqarnermut Ataatsimiititaliap sinnerlugu

Naaja Nathanielsen
Aningaasaqarnermut Ataatsimiititaliap siulittaasua